

泰和縣志卷四十六

吉安府泰和縣知縣潼關楊訥重輯

藝文志

詩

五言古

蜀江口望武姥山

邑城西十五里水勢湍激似蜀三峽故名

梁機

靈崖盤遙碧西峙儼高幹金精千年萃地脈一氣貫落影
感江天飛翠湧星漢兒孫衍金華山名蜿蜒排玉案秀分南
北巖跡留陶皮館陰壑鍾乳凝幽蹊桃實爛木落元猿嘯

泰和縣志

卷四十六

藝文

五古

一

月黑天雞喚聖姥青鸞霓裳翳天半神仙有才子洞門

題青翰

有呂祖詩聯

鶴歸松杉暝泉響川光旦白雲自邱陵清

都宛壇觀廿載曠幽期三山空彼岸蜀江望孱顏芳洲起
浩漢思盡意無違神通目欲斷登真力未能遺世情豈憚
颯然微雨過渺爾昏鴉亂斜陽遠煙輕遙鐘隔水散酣歌
懷真訣永期骨蛻換

皇十一子出示所臨絳帖全部十二冊謹書四十韻其後

姚頤

書法一小技然而心畫存臨仿尤不易貌遺要取神譬如
做古詩不以字句論又如寫人物各肖形韻真文通賦雜
擬眾味羅甘辛周昉圖趙郎性情兼笑言當其得心手八

九雲夢吞目空金牛外胸有成竹先魯男自學柳優孟乃
非孫自非神解具誰能窺其源

皇子深天機冲邃涵性淵餘事游於藝寫心弄柔翰頤也
聞緒論已叨十載前重來侍書堂珠琲快新編法帖溯祖
刻淳化歲壬辰王生所摹勒玉石強雜陳損益賴潘氏絳
本實仍昆當時二十卷八卷今已淪所喜明璧贖神采完
如新何意大椽筆隻手幻千蓮真行草篆隸班班現毫端
如九奏萬舞充庭來鸞鶴亦似五色繡錯落機杼間連岡
石爭秀異林花競暄古人一師學動以平生專江南本八
百尚傳永千文臨書昉宣示內史斯椎輪唐賢摹契叙歐
褚推冠軍從來米與趙脫擊力尤勤不過數家耳具美吾
秦和縣志

卷四十六

藝文

五古

二

未聞乃知宰籠大萬品皆入環從心妙中矩見葉可知根
頤讀

皇子文匯澤無涯津頤誦

皇子詩宮商非一均囊括漢以下上包古周秦筆法古駭
洽蔚此墨林珍印潭信共月得魚想忘筌何以窮讚歎唯
知飽巨觀願言刻琬琰一一傳人竅重見古真面舊搨何
足云

狗腦灘

姚頤

澄川十里平突出塔峯銳壓江駭遠矚盤迴欲無外一棹
破汀烟却與青壁對隔河指山根石脚插水背躡蹠虎豹
卧咫尺風雷會驚沫濺飛雨珠光落瑣碎虛壑生涼颼遠

陰變微暖月御若故遲羲輪不受代遙憐上灘人牽挽苦
狼狽攢林共鳥爭攀籐類猿挂顛蹶不自保安問舟浮芥
咨予亦浪游經過豈惟再如何忘險艱狎此急流內

挂榜山

姚頤

山光漾水碧皴剝出眾狀一辟何端正却立門夷敞滌湔
雲錦張揩磨石鏡朗攢樹無斜枝蠹霄欲直上分明百堵
牆高築占塏爽天文炳南維奎光應離象仙籍誰標名朝
朝此挂榜昨夜黃坑宿清遊夢已往山晴野如春天豁江
似掌聊為擊楫吟乘風蕩雙槳

七姑嶺

姚頤

茲山舊經過浩浩自古色不知拔木風何年恣攘剔山精

恭和縣志

卷四十六

藝文

五古

三

紛遁逃雷公突揮割遂令一峯雲化作幾斷壁結根不自
固厚地憑豈得摧頽錯落間頗似瓜瓣埤波與沙石碎日
射爛熳赤回首弔星娥荒祠烟正密惜哉黃金盡陰陽兩
闐寂舊傳祠神金像
村備以銅易去野鳥衝風帆天寒念羽翼客子常遠
行及茲感今昔

吉星橋

袁純德

禾江據要衝行人駢西東來者何井井去者何冲冲臨津
每閭然飛流竹箭懸筵篴奏無渡搔首向青天豈無舟子
涉飄搖驚一葉不見柔兆春雄濤翻輕楫可憐只斯須人
逐波底魚至今愁雲際寒燐簇江隅蔣君真義俠為此心
惻惻已溺厘情懷解囊無德色毅然聚羣豪鞭石成長橋

飛蚪壓波浪彩虹亘雲霄橋頭傑閣雙銀濤映瓊窻飛鷺
落霞裏彷彿來仙幢自是憑蠟屐清遊同紫陌亦有吹簫
人亦有題柱客凭欄共放歌賞心事若何願此清風展舉
世靖危波

文丞相石像

劉恒

有宋三百年多少金紫客誰為不磷者中流作柱石亭亭
飽風霜耿耿留光澤正氣所由凝萬古遺清白

湖口舟中懷廖厚菴二弟和周夢巖原韻

胡琦

接天濛水雲扁舟比小屋晚艤平沙岸亭亭檣影獨卧念
傾蓋日去如逝水速翩翩黃叔度汪洋如可掬念我隔天
秦和縣志

卷四十六 藝文 五古 四

涯足音寂空谷何時重聚首同事觚與牘鴈行在空際
嚙聲繁複增我離羣悲淒切君試讀
七言古

耒陽令曾君禾譜農器譜

陸游

歐陽公譜西都花蔡公亦記北苑茶農功最大置不錄如
棄六藝崇百家曾侯奮筆補多稼儋州讀罷深咨嗟一篇
秧馬傳海內農器名數方萌芽令君繼之筆何健古今一
一辨等差我今八十歸抱耒兩編入手喜莫涯神農之學
未可廢坐使耒俗慚浮華

三顧山篇贈羅仲子歸省

尹臺

吾聞章貢二水合流東走入西昌下有三顧之山揭孽膏

其陽元陰散垂霧雨澤黛色幻布雲霞章斌岡岩崒三十
里透迤北聳遙相峙盤盤突出層霄中峯峯倒映穹潭底
奇蒸秀孕興才傑百年迭奮名賢迹古來人文開有時嶽
降生申理所積天朝耆俊扶熙昌誰者第一文貞楊後先
茲地互隱顯乃今太宰揚芬芳景順之後尹與陳赤紱次
第躡台辰明珠木難別焜耀東蒙泰岱殊嶙峋比長校短
懸尺度誰哉獨軼前賢步連城美璧破纖瑕魚目空駭市
傭顧嗚呼太宰百世士出也夷夔處黃綺龍蛇消息衆豈
知雷雨但望經綸起仲子今辭承明廬綵服計日仙庭趨
來時幸語三顧之山之嘯特為我指畫中曲紆毋令萬里
想像徒嗟吁

泰和縣志

卷四十六

藝文

七古

五

泰酒歌

有火酒老
酒二種

施潤章

西昌半月罷飲酒舉杯勸我但搖手衆醉那能甘獨醒昔
稱歡伯今良友可憐火酒如寒泉一觴未進喉欲然身非
即墨與燕敵火牛何用摧中堅再傾琥珀名老春沃我消
渴瑩心神醇醪苦雜青梅味裂牙蜚鼻還愁人太常故老
有伯玉自稱家釀比醪醪蕭太常士瑋家釀名
酒見春浮園日記安得就君
乞一斛斯人不見傷局促客夜憂來不可當眼前况復荷
花香祇應紀叟壚頭醉回首家園天一方

石堰歌

有序

梁機

小江至秋水耗村人於上流灘瀨累石堰水以杙捍之
為秋耕計也貯蓄滋濇並設水門若置閘然凡百里不

絕而商販利之闢農之勞也作歌以寫其情

春江偏作雨令我田中黍苗腐秋江不作濤令我江中石堰勞家家丁男赤雙腳裸衣江心面色惡亂流力與沙石爭剝木為杙植且却碁累星布規且平左疊右疊如層城水門泱泱聲砰鉤後堰初成前堰傾辛苦田家作歲計蓄洩空為舟楫利山中木客駕小艚堆薪竹查銜尾高百丈一落迅版閘指揮意氣如官漕築石堰昏連曙沙寒波走不可處勸君揮淚謝東流君看我上估舶去

泰和雞為旭莊主人賦

姚頤

名雞來自家江南虎鼻峰北巖穹堪傳說仙人煉鉛汞丹泉流出山下潭邨雞膈膊戲潭側金膏玉液咀且含仙成泰和縣志

卷四十六

藝文 七古 六

種類甲天下此語或合齊東參我聞異產出細尾金鉸反翅胡髯鬚錦膺或向南詔索駝毛競從竹步探地志方物古所艷有如銀杏兼金柑茲物土人頗珍惜補中妙用本草諳每和葎苓藉調劑不肯庖俎供肥甘雪毛如柳絲毳毳骨烏耳綠朱冠參爪攢鐵戟數盈五聲應銅漏度必三特立自作羣中鶴凡禽那數籬邊鷓往時有客募名種雕籠飼養如桑蠶水土未服橘化枳大江揚子愁風嵐霜雪萬里長安道何異注水來驂驛自非神明遠呵護毋乃元氣中包涵主人讀易耽清談窻頭朝夕鳴鶻鶻祝公樂事知所妣養成十日羣雞慙君不見禰衡鸚鵡徒咕譎韓公鳴雁終顛顛豈如微物獨得所素心原匪稻粱貪

題元蘇宏道書延祐甲寅江西鄉試石鼓賦卷

有元延祐元年江西鄉試石鼓賦李丙奎徐汝士

王與玉陳祖義李路羅曾吳舜凱蘇宏道凡八篇

書者宏道也宏道永豐人按江西志是科凡四十

八人而無李丙奎陳祖義李路其他郡縣志所載

尚有許天篋饒林

據新城志云饒林字士悅通志延祐乙卯進士榜及府志皆作

朴恐

李政李子安劉愷悌程祥周沂七人統計則

五十八也考元史皇慶二年定制天下選合格三

百人蒙古色目漢南人各七十五江西南人止二

十二不應若是之多又省郡縣志皆有二羅曾一

南昌一廬陵廬陵者登乙卯進士南昌者官吉安

秦和縣志

卷四十六

藝文

七古

七

路同知則未知此所書賦為南昌歟廬陵歟要之

是八人者其賦具在皆可觀也鄉里後進能無望

古之思乎是卷三年前曾在翁學士座師處一見

之未及借錄丁酉六月觀前輩錢擇石閣學手抄

本因亟為移謄一通而書其後并系以詩

姚頤

八賦一手蘇君書永豐吾鄉乃佚諸寒牕數典徵志乘惜

哉淆舛難爬梳當時明門開貢舉典肇延祐初元初南人

執選三場備

時定制蒙古色目人試二場漢人南人試三場

江右額無廿二踰十

八路會行省院

自宋以來皆令考官歷試諸路至是科始合試行中書省琉璃門燭牛

斗墟

江西以是科創建貢院於琉璃門北

考官大儒吳草廬翰林待制持衡

俱楊剛周情孔思鑒裁殊見草廬貢諸生經術定不踈初

試明經經頗聞行高良士目文正行淳為良士亦有說傳

疑經義易象圖許天策著易象圖茲之八人一班耳笙鏞祝啟交

縈紆紛紛且莫辨謔誣此卷已元愷徒我欲持之諗粉

榆廷彭佳秀無時無

天馬歌泰和山名

袁純德

抄秋節物當重陽丹楓點綴千崖蒼嘉遊侵晨出古寺選

勝遙登天馬岡晴峯迴複何疊疊神駒蹀躞殊昂昂想當

鴻濛始闢不受鞭與韁天駟脫鼻下大荒白石為骨松為

鬣騰驤磊落千尺強夜飲銀河穿溟滓朝嘶碧落窺扶桑

權奇本是鳳豹質蹴蹋不競青雲長當年一吼聲琅琅飛

泰和縣志卷四十六藝文七古八

騎哲人來帝鄉前有省軒後文莊使我懷古增悽愴終年

寂寞遊人少翦剔何曾煩九方天馬天馬兮我欲騎之朝

天關驚如電閃驂龍翔我欲乘之舞樂野身跨狐背調清

商安得一滴驄鬃作雨澤徧灑九州四海恩汪洋

滄浪亭懷古

曾聞勇

滄浪亭下秀溪水滄浪亭廢水空泚碎瓦敗椽沒處尋至

今想見徒延視憶昔重新有賢侯臨清之區名猶留安得

攬古歸陳思盟鷗公暇繼前休

吉星橋

王廷獻

禾江渡頭濤最怒東岸西岸嗟窘步春漲夏潮萬馬奔臨

流欲唱公無渡潭影林霏幾經秋古橋曾無片石留泛泛

一葉穿桃花幾人目眩怯中流猶憶昔年人爭濟驚風巨浪搖虎臂可憐三十有六人一時併命渺無際白晝雲靈天欲昏夾岸哀呼難具論至今江雨連陰夜猶聞鬼嘯覓鄉村彼都長者仁且俠痛深淪胥緣輕艤慨然鳩工起石梁千萬金錢頓相協洒汗如雨氣如雲噓出長鰲迥不羣穹窿金背爍日月直欲跨海駕青雲自是平途任來往夜靜猶聞茅店敞安步征人歡且呼不分楚蜀與閩廣橋左洪寨右鏐寨并東滄江激澎湃繹絡車馬紛如織猶傍赤欄聽清籟臨流選勝我亦能晏坐橋頭興倍增上挹傑閣之朝雲下窺江市之夜燈渺然不記人間險橫擁飛練清欲剪牧笛樵歌時相答共樂坦坦王道展丈夫未能據要

泰和縣志

卷四十六

藝文

七古九

津如此宏濟亦無垠一擲萬金渾不吝坐擁高貲是何人
嗚呼坐擁高貲是何人

壽樟歌

楊果

一榦矯若龍虬蛟攫擊雷電森騰跳一榦猛於豹虎彪嘯起風伯崑怒號側生旁出互鈎帶橫豎低亞紛周遭或如旗幟張飄搖或如銅鐵難鏽彫或如門戶夾窻牖心數指屈防目渚一榦卧如長虹橋獨侵土脈垂天腰土人見慣誰愛惜歲久不覺髡無條中有一榦材更超氣必騰上干重霄黑雲潑墨濃匝地月輪欲碾枝葉梢豈惟勢與山爭高西揖武姥東子瑤公輸逝後王爾死棟梁材老城東臯皇天雨露滋培饒生機勃鬱不可消飽受冰霜壽彌固閱

歷南宋元明朝昔我先人嘗憩此把酒坐聽空中濤祝融
無權暑盡道濃陰四蔭涼秋焱我生三十猶蓬飄摩挲老
榦思云勞將軍大樹名獨標男兒勲業掣鯨潮徘徊樹下
增牢騷樹猶如此吾何以千春不朽南山喬

五言律

逍遙洞

方以智

天地一時小惟餘谷石寬
名山藏日月野老剩衣冠
刀向何人語春知此歲寒
幾家烟火在題作鹿門看

閒居遣興

劉恒

尋幽營別墅耽靜避喧囂
祇自窮探討何因破寂寥
荒林斜枕谷野水暗通橋
漫托揚雄宅題詩一解嘲

泰和縣志

卷四十六

藝文

五律

十

一身方落拓雙眼未模糊
野徑爭黃雀荒塘浴白鳧
苦曾嘗世味清欲漱詩腴
倘就君平卜休論榮與枯

村居雜咏

劉恒

淪茗譚經史攜兒坐夜闌
風聲吹牖急檐漏逼人寒
漫惜知音少深思處世難
吾將銘陋室眼界尚能寬

姚雪門以秋帆歸觀圖詩見示時將有螺川之行因

次册中羅旭莊太史原韻即題其後兼以誌別

舊作燕臺客空歸且奈何
天圍吳甸濶鴈落楚江多
一葉輕如駛千峰淨似磨
孤燈秋夕雨幾度撲飛蛾

月中塔

劉恒

飛穎烟霄裏搖光夜月中
瑤臺攢玉筍銀燭晃瓊宮
遙挂

千林曉高懸一鏡空應知天柱上不與眾峯同

雪中塔

劉恒

塵掃寒林下光凌白雪中層層明霽色片片撒高空幾認
華峯老俄驚玉筍同何人彈古調郢曲更求工

過劉百川先生故里

袁冠德

先生清世傑高尚謝侯王竿釣春江月詩敵晚菊觴識欽
漢水鏡雅並楚襄陽駐馬尋芳躅窈然樹色蒼

午夜閱案有感

陳佐

眼底皆赤子求生欲並生念囚曾幾日一命送三更空負
倚閭望難寬解網情撫心慙化洽秉燭但怍怍

七言律

泰和縣志

卷四十六

藝文

五律

十一

遊玉華山

施潤章

抱疴深愧未歸身野鳥山樵舊主賓絕磻全消松閣署碧
苔長護石巖春忽聞清磬知隣寺細作寒泉見古人散帙
憑欄堪永日僧厨藜藿不愁貧

翠栢戎戎掛夕曛振衣江色嶺頭分顧山明滅數峯雨蜀
口青冥幾樹雲畫屏荒祠陰慘淡出城孤塔暮氤氳風流
前輩誰過此笙鶴應從此日聞

登快閣

胡定

峩峩飛閣與雲齊徙倚危欄望眼迷霧起匡山峯斷續風
生蜀水浪高低社聯碩彥嫌標榜

笑滑稽

相傳黃山谷於此夢食鮮旋見老母憑眺抗懷揚相

明陳大士輩結快閣註

國楊文貞公居此一時峻烈誰躋

祝邑侯鄭大父師五旬

龍殿鼎

眉峯曜駕雲驛姑射山城起翠嵐元尹聲華推第一中
年政蹟合尊三澄江皓月心先印快閣清風興正酣太傅
封來酬遠畧雙雙鳧鳥自天南

鴈塔先生自號瘦翁姚雪門觀察為之作傳邑人士
競相傳頌余未之見頃先生郵示二瘦圖即先生
與觀察也系之以詩而不列其傳次韻二章

歐陽柱

二瘦何因入畫圖瘦翁一傳播通都清深江匯文章水文水

章水吾鄉水名斗峭山形大小孤大孤小孤山名夢得耽詩多和白元之

秦和縣志

卷四十六

藝文

七律

十二

作繪昔同蘇紛紛詞客欽雙美秘枕其如我獨無

飯山風貌並堪圖一賦歸田一入都時觀察將入都春立雪門欣

雨化月當鴈塔挿雲孤何妨添我成三友或可徒行訪兩

蘇試問東陽老詩客束腰曾減帶圍無

和題次前韻二首

曾聞勇

輔世退耕人共圖貌雖俱瘦色仍都健如鸞鶴雙翰戢清
似夷齊兩竹孤名號不妨類郊島唱酬真可繼黃蘇帽寬
帶落閒相對出處何心話有無

省識雙賢此畫圖病餘老去瘦因都十年以長交兄久爽

巷而居德不孤俊友姚劉昔稱宋宋姚勉號雪坡新昌人

劉元高齊名少年二俊矚仙兄弟今似蘇要知瘦孰如余甚座外參

看莫說無

禾江八景

長橋偃月

姚頤

萬川爭赴斗門盤百尺橋成偃月看乍訝蟾蜍藏水底翻
憐烏鵲散雲端清宵有客吟牛渚白晝行人入廣寒歷歷
新題輝翠柱分明十二玉欄杆

雙閣留雲

姚頤

橋南橋北界通關傑閣雙撐作鎖關直切星辰閭闔表平
分烟靄畫圖間天迴屏障千峯合日落川原萬鳥還漫擬
排梯訪雲馭幾時仙佛出人寰

鏐陂鳴玉

姚頤

泰和縣志

卷四十六

藝文

七律十三

山陂清溜響琮琤一帶虞球九奏聲雨後雲穿銀瀑落夜
深風夾石鯨鳴村田灌就禾皆玉水閣涼生樹亦瓊却笑
蟠溪老漁父紆迴幾載釣璜情

瓶泉噴珠

姚頤

一掬清冷噴雲泉夜光明月出澄鮮松濤春雨瓶笙韻石
磴秋風乳竇烟十載空名憐雀彈千金奇寶失龍眠汲新
煮活真吾好看涌魚珠亦爽然

仙巖夕照

姚頤

武姥峯高夕照留淡烟疎樹最宜秋石巖斜界千盤現空
翠遙分一株浮絕頂霜風迴鶴鶴重岡牧笛下羊牛倚闌
坐瞰歸人盡雁齒橋頭水月幽

洪寨晴嵐

姚頤

暮景朝霞拂岫過天連洪寨翠嵐多滿山雲氣蒸紅藥一
片烟光護綠蘿雨歇巖陰消乍長風迴松逕淡仍拖空濛
何處尋樵叟悵望商芝發浩歌

江市夜燈

姚頤

柳市千家小聚成繁華燈火似東京隔江山射樓中影列
岸星從水底行估客招邀沽酒會邨兒下上賣錫聲莫愁
風雨橋邊過十里笙歌不夜城

花宮晨唄

姚頤

貝葉初繙寶殿重芙蓉漏促報晨鐘上方月落燈無盡近
市門開霧正濃花外仙音傳異鳥風前法鼓和長松會心
泰和縣志 卷四十六 藝文 七律十四
自是聲聞果誰向黃塵證五宗

灘洲八景詩錄二

姚岫出雲

姚頤

丹梯高處翠微橫雲氣逢逢接戶生帶雨乍看將鳥沒乘
風直欲挾山行磎邊隱現僧鐘濕天際飄颺鶴馭輕莫以
無心聊出岫為霖端合佐昇平

星岡披霧

姚頤

山形指點認尖星曉霧蒼茫望欲冥一氣下連江練白萬
家齊接爨烟青風來乍辨巖邊寺霽後爭高鳥外亭休擬
夜深元豹隱文昌戴斗自通靈

郡旋機舟夜歸

姚頤

幾日歸帆到岸初，速歸端為倚門閭。
三更落木風千葉，十里還家月一梳。
城巷迢迢人語靜，霜天歷歷雁聲餘。
劇憐慈母無窮意，重向燈前補舊裾。

重陽日偕友人遊清水巖遇雨

陳合龍

巉巖踏遍正清娛，漫向莊生學據梧。
幽谷霜乾紅樹斲，洞門雨過白雲孤。
橋邊石竹風鳴玉，檻外銀泉水滴珠。
檢取萸囊酬勝賞，山邨茅店酒頻沽。

秋風攜手到禪堂，結伴登高寄興長。
纔履巉巖雲出洞，旋看遠瀑水飛霜。
詩牌共許題糕字，酒椀還多泛菊觴。
此地由來稱勝景，襄糧道士豈荒唐。

破塘口五磯

彭履信

泰和縣志

卷四十六 藝文

七律十五

章貢南來竹箭流，五磯久已付龍湫。
祠邊巢燕隣沙鳥，江底遊魚戲鐵牛。
水勢雖能爭地力，天心未必忌人謀。
閒聽父老滄桑語，時憶曙台唐邑侯。

恭頌黎楷樞邑侯新陞州牧

留任候補

匡定先

虎符熊軾拜恩光，畫戟將凝燕寢香。
復見兒童騎竹馬，重臨芟舍樹甘棠。
繞身新賜金魚佩，擣藻曾傳彩鳳翔。
畢竟前身真佛子，龍洲留得作慈航。

鑄鼎呈奸鏡，別妍不將稂莠蕪良田。
胸中籌畧儒兼將，座上神明吏亦仙。
火凜崑岡分玉石，魚開疎網樂淵泉。

帝

心簡在杼南，顧寵賚何祇秩二千。

龍泉有崔蒞之警侯同
大憲馴撫保全無辜者

甚眾得旨
嘉之晉秩焉

間登快閣共遨遊雲際聲聲雁影秋自昔詩仙開派別於
今刺史見風流作人長喜春生座懸榻猶懷月滿樓記取
文翁能化學循良應冠鳳池頭

三華山

陳佐

三華矗起勢崔巍四面山花接翠微石洞龍回朝雨過浴
潭人釣暮烟霏何年仙子留丹竈今日陰巖認羽衣唐時羅真
人修煉於北今山前石巖中
當陰雨時猶見霞衣仙仗願得閒來常攬勝詩囊時帶
白雲歸

孺子亭

蕭效淵

當年高士說南州遺跡孤亭俯碧流種柳已如中散宅尋
花欲舍太元舟林宗久著人倫鑒仲舉猶傳禮數優泉石
秦和縣志 卷四十六 藝文 七律 十六
烟霞栖隱地覓詩垂釣幾回遊

石亭寺

蕭效淵

石亭古寺奉唐賢京兆聲名數後先異政褒榮來日下高
文碑版照江邊韋公事業原身後杜牧風流尚眼前艷說
城南天尺五千年遺愛至今傳

舟中遇雪寄懷華陽書屋同事諸公 胡琦

排空白浪雪花飛銀擁山河迷四圍絕岸泊舟風力勁小
船傾榼酒香微索居寂寂心應共良夜沉沉夢尚依千里
雲山看不到遙望玉氣想芳菲

五言絕句

西昌八景

天柱留雲

劉恒

高岡橫靉靄玉柱翠相連遙指雲棲處崆峒別有天

澄江映月

劉恒

長留一片月瀲灩半江新浪靜菱花裏清輝正照人

高城遺雉

劉恒

玉壘鎮高坵龍光夾岸浮離離荒草畔古堞尚空留

快閣盟鷗

劉恒

年深閣已空冷落喚春風誰是盟心者煙波浩渺中

仙巖疊翠

劉恒

倚天長劍起鎔鍊本鴻鈞半壁青峯落劈空截翠珉

塔穎雙飛

劉恒

泰和縣志

卷四十六

藝文

五絕

十七

直指丹霄上橫空斗可摩飛來鴻鴈影一一醮雲過

仙槎古渡

劉恒

喚渡澄江畔蘆花杳靄間星津何處是尚不隔人寰

豐樂壽樟

劉恒

誰弄連環影遺之在水濱迎風舒虎嘯映日起龍鱗

七言絕句

題澄江五老圖

姚頤

澄江風物絕埃塵老去林泉自在身要識諸公同樂處升平多壽世如春

清閑天下第一福此語前賢定不欺請看澄江今五老松廊竹榭共哦詩

一經齋識舊風流元龍仁夫先生有一經齋望裏靈光幾十秋快展新

圖重會面老成真箇屬龍頭謂圭堂先生

追隨十載荷忘年道服重逢潁水前身現宰官還佚老紗

帷綺席總如仙謂南莊先生

外家姻婭丈人行早向南豐一辦香試訊歸田餘底物西

湖山水滿奚囊謂梅岳先生

樸學人稱接石渠家風仍共一牀書絜量千載誰倫比後

有二張前二疏謂木齋先生蓋南莊先生族子也

東西老屋一牛鳴樞侍談文憶父兄我愧無聞君宦退詩

家依舊重長城謂秀海先生

槎翁劉子與龍連龍坡曾恭簡文莊歐陽碩望我常日每懷

秦和縣志 卷四十六 藝文 七絕 十八

風俗紀即今真不愧先河邑乘載諸先賢居鄉範俗事甚詳

席間卮酒想歡同不及宣徽尺素通禿管題成傳好事他

時我亦畫圖中

大史題澄江五老圖元韻

劉廷颺

先後歸田樂意同江鄉尋勝白雲通年來自笑猶匏繫真

樂何時味箇中

五言排律

遊武山作

胡定

靈踪留武姥山有武姥飛昇處勝景訪名巒迥涉坡欹側徐登路

屈盤奇峰懸虎鼻怪石聳雞冠山有虎鼻峰雞冠石湛冽原泉涌蕭

疎古木攢三巖垂鳥草兩寨宛龍蟠野澗彌青靄江遙映

碧瀾同遭羅玉洞幾度熟金丹武姥及陶皮二仙俱煉丹於此信是神仙窟流連興未闌

七言排律

祝邑侯鄭大父師五旬

龍芳春

瑞應西奎耀漢濱光分姑射仰神人海門早躍千層浪宦
輒曾清九斛塵冰雪為心六字朗繭絲無意一腔仁行郊
喜見桑麻影閑閣能教宅里醇露浥花城人欲醉風和芹
泮座常春公餘琴理澄江月賦罷筵酣快閣賓末士何緣
瞻北斗賢關從此破迷津

泰和縣志卷四十六

終

泰和縣志

卷四十六

藝文

排律十九